

# ESB-STOFNANIR

## FRAMKVÆMDASTJÓRNIN

REGLUGERÐ FRAMKVÆMDASTJÓRNARINNAR (ESB) nr. 1079/2013

2014/EES/36/01

frá 31. október 2013

um umbreytingarráðstafanir vegna beitingar reglugerða Evrópuþingsins og ráðsins (EB) nr. 853/2004 og (EB) nr. 854/2004 (\*)

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af reglugerð Evrópuþingsins og ráðsins (EB) nr. 853/2004 frá 29. apríl 2004 um sérstakar reglur um hollustuhætti sem varða matvæli úr dýraríkinu <sup>(1)</sup>, einkum fyrstu málsgrein 9. gr.,

með hliðsjón af reglugerð Evrópuþingsins og ráðsins (EB) nr. 854/2004 frá 29. apríl 2004 um sértækar reglur um skipulag opinbers eftirlits með afurðum úr dýraríkinu sem eru ætlaðar til manneldis<sup>(2)</sup>, einkum fyrstu málsgrein 16. gr.,

og að teknu tilliti til eftirfarandi:

- 1) Í reglugerðum (EB) nr. 853/2004 og (EB) nr. 854/2004 er kveðið á um umtalsverðar breytingar á reglum og verklagi sem stjórnendur matvælaþyrftækja og lögbær yfirvöld aðildarríkjanna þurfa að fylgja. Þessar reglugerðir gilda frá 1. janúar 2006. Það hefði þó í vissum tilvikum valdið erfiðleikum í framkvæmd ef sumum þeirra reglna og verklagsreglna, sem þar var mælt fyrir um, hefði verið beitt þegar frá þeim degi.
- 2) Þar af leiðandi er í reglugerð framkvæmdastjórnarinnar (EB) nr. 1162/2009 frá 30. nóvember 2009 um bráðabirgðaráðstafanir til framkvæmdar reglugerða Evrópuþingsins og ráðsins (EB) nr. 853/2004, (EB) nr. 854/2004 og (EB) nr. 882/2004 <sup>(3)</sup> mælt fyrir um umbreytingarráðstafanir vegna umbreytingartímabils sem lýkur 31. desember 2013, til að koma á hnökralausum skiptum yfir í fulla framkvæmd nýju reglnanna og verklagsins sem mælt er fyrir um í þessum þremur reglugerðum. Lengd umbreytingartímabilsins var fastsett með hliðsjón af endurskoðun reglurammans um hollustuhætti sem kveðið er á um í þessum reglugerðum.
- 3) Skýrsla framkvæmdastjórnarinnar frá 28. júlí 2009 til Evrópuþingsins og ráðsins um reynsluna af beitingu hollustuháttareglugerða Evrópuþingsins og ráðsins (EB) nr. 852/2004, (EB) nr. 853/2004 og (EB) nr. 854/2004 frá 29. apríl 2004<sup>(4)</sup> „hefur það að markmiði að sýna á raunsannan hátt þá reynslu sem fengist hefur,

þ.m.t. þá erfiðleika sem upp komu, af framkvæmd hollustuháttapakans hjá öllum hagsmunaaðilum á árunum 2006, 2007 og 2008“ („skýrslan“).

- 4) Í skýrslunni er m.a. farið yfir reynsluna af umbreytingarráðstöfunum sem mælt er fyrir um í reglugerð (EB) nr. 1162/2009. Í skýrslunni kemur fram að upp hafi komið vandamál í tengslum við afhendingu á litlu magni af tilteknum matvælum á staðnum, að frekari skýringar séu nauðsynlegar við aðstæður þar sem landsbundnar reglur gilda um innflutning þegar samræmdar reglur á vettvangi Sambandsins vantar og að hættuástand, sem hefur skapast vegna innfluttra samsettra afurða, staðfesti þörf á auknu eftirliti með slíkum afurðum.
- 5) Taka þarf á þessum erfiðleikum með endurskoðun á reglugerðum (EB) nr. 853/2004 og (EB) nr. 854/2004. Mati á áhrifum, sem fylgir slíkri endurskoðun, var hrint af stað strax að lokinni birtingu skýrslunnar. Þó þarf lengri tíma til að ljúka mati á áhrifum áður en almennri málsmeðferð vegna endurskoðunarinnar er hrint af stað.
- 6) Þar að auki ættu lögbær yfirvöld aðildarríkjanna og þeir geirar í matvælaíðnaðinum í Sambandinu sem málið varðar, á grundvelli upplýsinga frá Matvæla- og dýraheilbrigðisráðgjafastofnunni, að halda tilteknum umbreytingarráðstöfunum, sem mælt er fyrir um í reglugerð (EB) nr. 1162/2009, þar til endurskoðunarferlinu er lokið.
- 7) Rétt er því að setja ákvæði um frekara umbreytingartímabil þar sem tiltekna umbreytingarráðstafanir, sem er sem stendur mælt fyrir um í reglugerð (EB) nr. 1162/2009, gilda áfram.
- 8) Bein afhending framleiðanda á litlu magni kjöts af alifuglum og nörturum, sem er slátrað á býlinu, til neytenda eða smásöluþyrftækja á staðnum sem afhenda slíkt kjöt beint til neytenda sem nýtt kjöt er undanþegin gildissviði beitingar reglugerðar (EB) nr. 853/2004. Takmörkun þeirra ákvæða við nýtt kjöt áður en endurskoðun þeirrar reglugerðar er lokið mun þó íþyngja smáframleiðendum. Þar af leiðandi er í reglugerð (EB) nr. 1162/2009 kveðið á um undanþágu frá þeim ákvæðum sem sett eru fram í reglugerð (EB) nr. 853/2004 varðandi beina afhendingu á slíkum vörum með vissum skilyrðum, án þess að takmarka hana við nýtt kjöt. Þessi undanþága ætti að vera opin meðan viðbótarumbreytingartímabilið, sem kveðið er á um í þessari reglugerð, varir.

(\*) Þessi EB-gerð birtist í Stjtið. ESB L 292, 1.11.2013, bls. 10. Hennar var getið í ákvæðun sameiginlegu EES-nefndarinnar nr. 69/2014 frá 16. maí 2014 um breytingu á I. viðauka (Heilbrigði dýra og plantna) við EES-samninginn, biður birtingar.

<sup>(1)</sup> Stjtið. ESB L 139, 30.4.2004, bls. 55.

<sup>(2)</sup> Stjtið. ESB L 139, 30.4.2004, bls. 206.

<sup>(3)</sup> Stjtið. ESB L 314, 1.12.2009, bls. 10.

<sup>(4)</sup> COM(2009) 403, lokagerð.

- 9) Í reglugerðum (EB) nr. 853/2004 og (EB) nr. 854/2004 er mælt fyrir um tilteknar reglur varðandi innflutning til Sambandsins á afurðum úr dýraríkinu og matvælum sem innihalda bæði afurðir úr jurtaríkinu og unnar afurðir úr dýraríkinu (samsettar afurðir). Í reglugerð (EB) nr. 1162/2009 er kveðið á um umbreytingarráðstafanir sem vikja frá sumum þessara reglna vegna tiltekinna samsettra afurða hafi lýðheilsuskilyrði fyrir innflutningi þeirra inn til Sambandsins ekki enn verið samræmd á vettvangi Sambandsins. Þeim skilyrðum var breytt með reglugerð framkvæmdastjórnarinnar (ESB) nr. 28/2012 frá 11. janúar 2012 um kröfur vegna útgáfu vottorða vegna innflutnings á tilteknum samsettum afurðum til Sambandsins og umflutnings þeirra gegnum það og um breytingu á ákvörðun 2007/275/EB og reglugerð (EB) nr. 1162/2009<sup>(5)</sup> og verða þau ekki að fullu samræmd fyrir 31. desember 2013. Þar til samræming á löggjöf Sambandsins hefur átt sér stað er þar af leiðandi nauðsynlegt að kveða á um undanþágur á meðan á viðbótarumbreytingartímabilinu, sem mælt er fyrir um í þessari reglugerð, stendur.
- 10) Til glöggvunar ætti að fella reglugerð (EB) nr. 1162/2009 úr gildi.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

#### SAMÞYKKT REGLUGERÐ ÞESSA:

##### 1. gr.

##### Efni

Í þessari reglugerð er mælt fyrir um umbreytingarráðstafanir vegna beitingar reglugerða (EB) nr. 853/2004 og (EB) nr. 854/2004 á umbreytingartímabili sem stendur frá 1. janúar 2014 til 31. desember 2016.

##### 2. gr.

##### Bein afhending á litlu magni kjöts af alifuglum og nörturum

Þrátt fyrir d-lið 3. mgr. 1. gr. og með fyrirvara um 4. mgr. 1. gr. reglugerðar (EB) nr. 853/2004 skulu ákvæðin, sem mælt er fyrir um í þeirri reglugerð, ekki gilda um beina afhendingu framleiðanda á litlu magni kjöts af alifuglum og nörturum,

<sup>(5)</sup> Stjtið. ESB L 12, 14.1.2012, bls. 1.

sem er slátrað á býlinu, til neytenda eða smásölufyrirtækja á staðnum sem afhenda beint til lokaneytenda.

##### 3. gr.

##### Heilbrigðisskilyrði vegna innflutnings á afurðum úr dýraríkinu

1. Ákvæði 1. mgr. 6. gr. reglugerðar (EB) nr. 853/2004 gilda ekki við innflutning á afurðum úr dýraríkinu hafi samræmd lýðheilsuskilyrði vegna innflutnings á þeim ekki verið ákveðin á vettvangi Sambandsins.

Innflutningur á þeim afurðum úr dýraríkinu skal uppfylla lýðheilsuskilyrði innflutningsaðildarríkisins.

2. Þrátt fyrir 6. gr. (4. mgr.) reglugerðar (EB) nr. 853/2004 skulu stjórnendur matvælafyrirtækja, sem flytja inn matvæli sem innihalda bæði afurðir úr jurtaríkinu og unnar afurðir úr dýraríkinu, aðrar en samsettu afurðirnar sem um getur í 3. gr. (1. mgr.) reglugerðar (ESB) nr. 28/2012, vera undanþegnir þeim skyldum sem kveðið er á um í 6. gr. (4. mgr.) reglugerðar (EB) nr. 853/2004.

Innflutningur á slíkum matvælum skal vera í samræmi við samræmdar reglur Sambandsins, eftir því sem við á, og landsbundnar reglur sem beitt var í aðildarríkjunum í öðrum tilvikum.

##### 4. gr.

##### Verklagsreglur að því er varðar innflutning á afurðum úr dýraríkinu

Ákvæði III. kafla reglugerðar (EB) nr. 854/2004 gilda ekki um innflutning á afurðum úr dýraríkinu hafi samræmd lýðheilsuskilyrði vegna innflutnings á þeim ekki verið ákveðin á vettvangi Sambandsins, þ.m.t. skrár yfir þriðju lönd og hluta þriðju landa og starfsstöðvar sem innflutningur er leyfður frá.

Innflutningur á slíkum afurðum úr dýraríkinu skal uppfylla lýðheilsuskilyrði innflutningsaðildarríkisins.

##### 5. gr.

##### Niðurfelling reglugerðar (EB) nr. 1162/2009

Reglugerð (EB) nr. 1162/2009 er hér með felld úr gildi.

6. gr.

**Gildistaka og beiting**

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.  
Reglugerð þessi gildir frá 1. janúar 2014 til 31. desember 2016.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 31. október 2013.

*Fyrir hönd framkvæmdastjórnarinnar,  
forseti.*

José Manuel BARROSO

---